



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organi Shqyrtues i Prokurimit (OSHP) Rruga "MIGJENI" (ish-Banka e Ljubllanës) Kati V-të, Prishtinë, Kosovë
Tel: +383 38 212 309 e-mail: oshp@rks-gov.net

Psh. Nr. 277/22

Paneli Shqyrtues i Prokurimit, i emëruar nga OSHP sipas nenit 98, 99 lidhur me nenin 105 dhe 106 të Ligjit për Prokurim Publik në Republikën e Kosovës dhe nenit 32 të Rregullores së Punës në OSHP, në përbërje nga Vedat Poterqoi -Kryetar, Isa Hasani-Anëtar dhe Vjosa Gradinaj Mexhuani - Anëtar, duke vendosur lidhur me kërkesën për "paraqitjen e të dhënave të rreme ose të një dokumenti të falsifikuar nga operatori ekonomik" e parashikuar me nenin 99, paragrafi 2, i LPP, e parashtruar me datën 06.06.2022 nga Komuna e Gjakovës në cilësinë e Autoritetit Kontraktues (AK) ndaj operatorit ekonomik "LUX Carpet" SH.P.K me seli në Gjakovë, lidhur me aktivitetin e prokurimit "Furnizim me shtretër, jastykë, çarçafa dhe dollapa" me numër të prokurimit 632-22-4281-1-3-6, me 15.11.2023, mori:

V E N D I M

1. Apropohet si e bazuar kërkesa e datës 06.06.2022, Protokolli 277/22 e Komunës së Gjakovës, e parashtruar në cilësinë e Autoritetit Kontraktues (AK), për shkak të paraqitjes të dhënave të rreme ose të një dokumenti të falsifikuar nga operatori ekonomik, sipas nenit 99 paragrafi 2 të LPP-së, kurse OE "LUX Carpet" sh.p.k me seli në Gjakovë me numrin unik të biznesit 811478016 diskualifikohet nga pjesëmarrja në aktivitetin e prokurimit "Furnizim me shtretër, jastykë, çarçafa dhe dollapa" me numër të prokurimit: 632-22-4281-1-3-6 dhe i ndalohet pjesëmarrja në aktivitetet e prokurimit publik për periudhën kohore 3 muaj, duke filluar nga data 15.11.2023 deri me datën 15.02.2024.
2. Urdhërohet AK, respektivisht Komuna e Gjakovës, që ta bej konfiskimin e sigurisë së tenderit për OE, me të dhëna si në paragrafin paraprak të dispozitivit të këtij vendimi.
3. Revokohet masa e shqiptuar si në paragrafin 1, të dispozitivit të këtij Vendimi, nga dita kur dhe nëse OSHP njoftohet me aktin e organeve kompetente, sipas të cilit është vendosur ndryshe në raport me Vendimin e marrë në këtë rast.

Arsyetim

Me 06.06.2022, Komuna e Gjakovës në cilësinë e AK, ka dorëzuar në OSHP kërkesë për aplikim të masave sipas nenit 99 pika 2 të LPP, ndaj Operatorit ekonomik "LUX Carpet" sh.p.k me seli në Gjakovë me numër unik të regjistrimit 811478016, nën pohimin se ekziston dyshimi për "paraqitjen e të dhënave të rreme ose të një dokumenti të falsifikuar nga ky operator ekonomik ashtu sikurse parashihet me nenin 99 par 2 të LPP.

Duke ju referuar kërkesës së cituar më sipër, konstatohet si arsye për marrjen e masave në pajtim me nenin 99.2 të LPP, AK (me të dhënat si më sipër) ka deklaruar se Operatori Ekonomik "LUX Carpet" sh.p.k me seli në Gjakovë, në aktivitetin e prokurimit: "Furnizim me shtretër, jastykë, çarçafa dhe dollapa" me numër të prokurimit: 632-22-4281-1-3-6 nuk ka sjell brenda afatit ligjor vërtetimin nga ATK se nuk ka borxhe të tatimeve dhe vërtetimin nga Gjykata kompetente se kompania nuk është në falimentim ose nën administrim të dhunshëm gjyqësor. AK-Komuna Gjakovës në përputhje me nenin 26.8 të RRUOPP ka vazhduar me tenderuesin e listuar në vendin e dytë dhe përmes kësaj kërkesë pranë OSHP-së kërkon diskualifikimin e Operatorit Ekonomik. "LUX Carpet" sh.p.k duke zbatuar nenin 99.2 të LPP-së sepse Operatori Ekonomik ka paraqitur të dhëna të rreme me rastin e dorëzimit të ofertës me datë 19.05.2022, kur së bashku me ofertë ka dorëzuar Deklaratën nën Betim në të cilën OE deklaron se i përmbush kushtet e përshtatshmërisë, respektivisht nenin 65 të LPP-së.

Andaj duke u nisur nga këto prova AK-Komuna Gjakovës kërkon nga OSHP që konform dispozitave ligjore të merren masa ndaj këtij Operatori Ekonomik.

Me datën 06.06.2022 OSHP e ka njoftuar "LUX Carpet" sh.p.k me seli në Gjakovë, me kërkesën e AK - "Komuna Gjakovë" për iniciimin e procedurës për paraqitjen e të dhënave të rreme ose të një dokumenti të falsifikuar, parashikuar në kuptim të nenit 99 paragrafi 2 të LPP, i njëjti nuk ka kthyer ndonjë përgjigje.

Paneli shqyrtues pas analizimit të akteve dhe veprimeve të palëve dhe pretendimeve reciproke të tyre, konstaton se lënda në rastin konkret përmban dokumente dhe shkresa të mjaftueshme, mbi bazën e të cilave Paneli ka të drejtë të vendos në aspektin meritore pa prezencën e palëve, sikurse parashihet kjo me nenin 24 paragrafi 1 i Rregullores së Punës së OSHP.

Paneli shqyrtues gjatë analizimit të deklarimeve, shkresave dhe fakteve të lëndës, ka konstatuar se marrë parasysh faktin se Operatori ekonomik i cili ka marrë pjesë në aktivitetin e prokurimit, me rastin e dorëzimit kanë nënshkruar Deklaratën nën Betim ku përmes saj deklarojnë se përmbushin kërkesat sipas dispozitave ligjore të LPP-së. Dhe mos dorëzimi i dokumentacionit të kërkuar brenda afatit ligjor nga operatori ekonomik paraqet jo seriozitet dhe shkakton dëme për Autoritetin Kontraktues.

Neni 25.9 i Rregullores Nr.001/2022 Për Prokurim Publik përcakton se: *Vërtetimet në lidhje me kërkesat e përshtatshmërisë (përveç Deklaratës nën Betim) do të kërkojnë të dorëzohen nga një tenderues të cilin autoriteti kontraktues ka për qëllim që ta shpërblejë me kontratë. Këto dokumente duhet të dorëzohen nga tenderuesi para publikimit të Njoftimit B58 mbi vendimin e AK-së. Afati kohor për dorëzimin e dokumentacionit të përmendur është jo më shumë se pesë (5) ditë nga marrja e njoftimit të autoritetit kontraktues për synimin e dhënies së kontratës. Dështimi në dorëzim të dokumenteve të tilla, tenderi i tij do të refuzohet dhe AK do të vazhdojë me tenderuesin e listuar në vendin e dytë, si dhe do të konfiskohet sigurimi i tenderit nëse e njëjta është kërkuar dhe AK do të iniciojë procedurën për diskualifikim në përputhje me nenin 99.2 të LPP-së.*

Gjatë administrimit të provave, vlerësimit të tyre, paneli shqyrtues konstatoi se nga kërkesa e AK dhe faktet e vërtetuara në mënyrë të pavarur nga OSHP dhe të shpjeguara si më sipër, konsiderohen prova të mjaftueshme të cilat kanë krijuar bindjen e këtij Paneli se OE “LUX Carpet” sh.p.k me seli në Gjakovë, ka vepruar në kundërshtim me nenin 25.9 i Rregullores Nr.001/2022 Për Prokurim Publik dhe AK ka të drejtë të iniciojë procedurën për diskualifikim në përputhje me nenin 99.2 të LPP-së. Ashtu që, AK ka paraqitur në OSHP, me 06.06.2022, kërkesë për iniciimin e procedurës së diskualifikimit në kuptim të dispozitës së cituar si më sipër.

Paneli sqaron se OE në momentin e ofertimit për këtë aktivitet të prokurimit i njëjti ka nënshkruar deklaratën nën betim sipas së cilës ka pohuar se edhe për shkak të pakujdesisë nëse dorëzon çfarëdo dokumenti ose deklaratë e cila përmban informata përmbajtësish të gabueshme ose mashtruese pranon mundësinë e sanksionimeve penale dhe civile, gjobave dhe dënimeve. Andaj, Paneli Shqyrtues konsideron se në këtë rast se objektivisht lind detyrimi i OSHP, që ta zbatojë dispozitën e cituar si më sipër të LPP, sipas së cilës shprehimisht kërkohej që operatori ekonomik në rastin konkret të diskualifikohet nga pjesëmarrja në këtë aktivitet të prokurimit dhe (sipas gjykimit të pavarur të këtij Paneli duke pasur parasysh të gjitha argumentet e ofruara po ashtu vlerën e tenderit) ti ndalohej e drejta për të marrë pjesë në aktivitet e prokurimit publik në periudhën kohore prej 3/ muaj, duke filluar nga data 15.11.2023 deri me 15.02.2024. Paneli Shqyrtues sqaron se masa e diskualifikimit, e shqiptuar dhe shpjeguar si më sipër do të Revokohet masa e shqiptuar si në paragrafin 1, të dispozitivit të këtij Vendimi, nga dita kur dhe nëse OSHP njoftohet me aktin e organeve kompetente, sipas të cilit është vendosur ndryshe në raport me Vendimin e marrë në këtë rast.

Urdhërohet AK, respektivisht Komuna e Gjakovës, që ta bëjë konfiskimin e sigurisë së tenderit për OE, me të dhëna si në paragrafin paraprak të dispozitivit të këtij vendimi, si dhe ti njoftoj organet kompetente.

Paneli shqyrtues, duke u bazuar në atë që u tha si më lartë, vendosi si në dispozitiv të këtij vendimi.

Kryetar i Panelit Shqyrtues



Këshillë Juridike:

Kundër këtij vendimi, pala e pakënaqur ka të drejtë që ti drejtohet Gjykatës Komerciale në Prishtinë me padi, në afat prej 30 ditësh nga data e pranimimit të këtij vendimi.

Vendimi t'i dorëzohet:

- 1x1 AK Komuna Gjakovës
- 1x1 "LUX Carpet" sh.p.k me seli në Gjakovë
- 1x1 Arhivës së OSHP-së;
- 1x1 Për publikim në ueb-faqe të OSHP-së